

Mikel Aizpuru UEUko zuzendari berria

Udako Euskal Unibertsitateak batzar nagusia egin zuen atzo Bilbon

Mikel Aizpuruk Kepa Altonaga ordezkaturako du Udako Euskal Unibertsitateko (UEU) zuzendari arduran. UEUren batzar nagusiak zuzendari eta Talde Eragile berria aukeratzeaz gain, elkartearen egoera eta egitasmoak aztertutik zituen atzo Bilbon egin zuen bileran.

Gorane Agirre / Bilbo

UEUko zuzendari berria EHUKo Gizarte Graduatuen Eskolako irakaslea da, eta UEUn urteetan jardundakoa. Urduri eta aldi berean pozik zegoen Mikel Aizpururen arabera, bere aukeraketa «Talde Eragilearen dinamikaren ondorioa da».

Zuzendari ardura hartu berria duen arren, Aizpuruk argi du zeri eman behar dion lehentasuna. «Batetik, UEUrentzako ziurtasun ekonomikoa lortu behar dugu; iaz defizitarekin bukatu genuen, eta hori bideratu egin behar da. Eta, bestetik, sailak indartu egin behar ditugu. Ikastaroak nahiko ziurrak ditugu, baina, beno, barneko lana indartu egin behar da, produkzio zientifikoak eta liburuek garrantzi handiagoa izan behar dute».

UEUrentzako ziurtasun ekonomikoa lortzeko zein bide jorratu behar duen ere badaki. «Batetik, Eusko Jaurilaritzarekin hitzarmen bat adostu behar dugu. Bestetik, Fundazioen Lege berriak ematen dituen aukera batzuk —errenta aitortpenaren desgrabazioa...— ere aztertu egin beharko dira. Beste erakunde batzuekin itunak ere egin beharko ditugu, EHUREkin, beste Unibertsitate batzuekin edo erakunde pribatuekin esaterako».

Azken agintaldian UEUko zuzendari izan den Kepa Altonagak


adierazi zuenez, Aizpuru «hautagai naturala» zen, eta postua betetzeko pertsona «oso egokia» gaineratu zuen.

UEUko Talde Eragile berrian, besteak beste, honako izen hauek aurki daitezke: Kepa Altonaga eta Iñaki Irazabalbeitia zuzendari ohiak, Iratxe Artaraz, Pruden Garzia, Jose Ramon Arbe, Irune Ibarra, Joserra Aihartzta, Iñaki Alegria, Xabier Isasi, Xabier Iriondo edota Iñaki Marko.

Euskaltzaindiak Bilbon duen egoitzan bildu zen UEUko Batzar Nagusiak, halaber, bukatu berria den urtearen balantze akademikoa eta ekonomikoa egin zituen. Altonagak azaldu zuenez, «iazkoa urte positiboa izan zen, bereziki Kongresua egin genuelako. Hantxe arteko kezka batzuk argitu genituen, gogoeta eta eztabaidak egon ziren, eta puntu batzuk finkatu egin genituen. Alde horretatik oso interesgarria izan zen».

«Horretaz gain, gure ohiko ekitaldietan ere aritu gara: udako ikastaroak, urtean zeharreko jardunaldiak eta liburugintza. Horietan guztietan, etengabe aurrera goaz eta urtez urte ikusten da gorago gaudela», azaldu zuen.

Balantze ekonomikoa dago-kionez, bestalde, iazko urtea bost milioi pezetan inguruko defizitarekin bukatu zuten. Izan ere, ur-



Mikel Aizpuru UEUko zuzendari berria.

XOUSE SIMAL

te horretan ez baitzuten Europa-ko Batasunetik aurreko urteetan lortutako dirulaguntza jaso.

Hasi berria den urterako plan-gintzan, UEUko zuzendari ohiak zenbait helburu nabarmendu zituen. «Baionako eta Iruñeko ikastaroak hobetzeko formula aldatzeaz pentsatzen hasi gara. Horrela, ziur aski, aurtengo Baio-

nan barnetegia egingo dugu. Iruñean oraindik ez dugu aldaketa sakonik egingo, baina, aldaketetan pentsatzen ari gara. Batez ere, ikusi dugulako Iruñera partaide gehienak ez doazela aste-bete edo hamabostaldia bertan emateko, egun solteetarako bai-zik, eta horretaz gogoeta egin behar dugu». X

Altsasun saldu da Espainiako Loteriako lehen saria

■ 500 milioko sari berezia ere altsasuar batek irabazi du

Erredakzioa / Iruñea

ESPAINIAKO Loteria Nazionalako atzoko zozketa berezian atera zen lehen saria —86.840 zenbakia, alegia— Nafarroara etorri da, Altsasura zehazki. Rafael Merchanek herrian orain urtebete inguru zabalduak loteria administrazioan zenbaki honen bi serie saldu zituzten. Beste bi, loteria administrazio horren jabearen anaia den Valentín Merchanek saldu ditu Basajaun bere jatetxean. Guztira 820 milioi pezetan (35 milioi libera inguru) utzi ditu loteriak Altsasun. Merchanek, hala ere, beste lau serie itzuli zituen ostiralean. Altsasun ezezik, Pulpin (Almeria) eta Zaragozan ere saldu da Loteria Nazionaleko lehen saria.

Altsasuarrek, hala ere, gaitzazko herrietakoek baino zorte handiagoa izan dute, Altsasun ere saldu baita sari berezia jaso duen dezimoa, 86.840 zenbakiaren bigarren serieko laugarren frakzioa, hain zuzen ere. Dezimo honi 500 milioi pezetako saria dago, eta Altsasuko gizon bati saldu zion Rafael Merchanek. Altsasuko loteria saltzailea pozik agertu zen atzo lehen saria bere administrazioan saldu zela jakin ondoren, eta, azaldu zigunez, bere bezero gehienek dezimo bana erosi zuten. «Beraz, nahiko banatua izanen da saria». X

DEN-DENOK

ESTADIOA

independentzia

lortu arte

JO TA KE

DONOSTIA Anotako Estadioan arrats. 5,30etan